

**EKONOMSKO SOCIJALNO VIJEĆE ZA TERITORIJU
FEDERACIJE BOSNE I HERCEGOVINE**

**IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA
2012. GODINU**

Broj održanih sjednica

Ekonomsko-socijalno Vijeće za teritoriju Federacije BiH u 2012. godini održalo je ukupno 9 redovnih sjednica, 2 vanredne i 6 kolegija ESV-a.

Broj tačaka dnevnog reda

Tokom ove godine razmatrano je ukupno 60 tački dnevnog reda.

Pregled tački dnevnog reda

Na sjednicama ESV-a razmatrani su: zakoni, izvještaji, informacije i analize.

Zakoni

1. Razmatranje Prednacrtu Zakona o izmjenama i dopunama Zakona o porezu na dohodak;
2. Razmatranje Prednacrtu Pravilnika o izmjenama i dopunama Pravilnika o primjeni Zakona o porezu na dohodak;"
3. Razmatranje Nacrta Zakona o koncesijama;
4. Nacrt zakona o izmjeni Zakona o izvršnom postupku (Inicijativa za dopune Zakona o izvršnom postupku, Zakon o dopunama Zakona o izvršnom postupku i Odredbe zakona koje se mijenjaju);
5. Prednacrt zakona o finansijskoj konsolidaciji privrednih društava u Federaciji BiH;
6. Prenacrt zakona o izmjenama i dopunama Zakona o privrednim društvima;
7. Nacrt zakona o upravljanju državnim kapitalom u privrednim društvima u Federaciji BiH;
8. Nacrt zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine;

9. Razmatranje Nacrta zakona o šumarstvu;
10. Razmatranje Nacrta zakona o radu;
11. Rebalans Budžeta Vlade Federacije BiH;
12. Zakon o izvršenju Budžeta Vlade Federacije BiH;
13. Zakon o privrednim komorama Federacije BiH;
14. Nacrt zakona o zaštiti jemaca u Federaciji BiH
15. Nacrt zakona o sigurnosti i zdravlju na radu;
16. Prednacrt zakona o štrajku;
17. Nacrt zakona o prekršajima
18. Nacrt Budžeta za 2013.godinu;
19. Nacrt zakona o izvršavanju Budžeta za 2013. godinu;
20. Prijedlog zakona o radu

21. Nacrt zakona o izmjenama i dopunama Zakona o stečajnom postupku;
22. Prijedlog zakona o izmjenama i dopunama Zakona o izvršnom postupku;
23. Prijedlog zakona o autocesti na Koridoru Vc i amandmane Vlade Federacije BiH na
Prijedlog zakona o autocesti na Koridoru Vc;

Informacije i rasprave

1. Informacija Federalne uprave za inspekcijske poslove o inspekcijskim nadzorima na suzbijanju rada „na crno“;
2. Informacija Porezne uprave Federacije BiH o naplati javnih prihoda;
3. Informacija o usvojenim zaključcima ESV-a u prvom kvartalu 2012. godine;
4. Informacija o implementaciji Zakona o fiskalnim sistemima;
5. Informacija o naplati direktnih poreza u Federaciji BiH;

Analize

1. Analiza stanja robnih rezervi u Federaciji BiH.

Ostali akti

1. Izvještaj o radu ESV-a za 2011. godinu i realizacija Zaključaka ESV-a;
2. Evidencija o prisustvu sjednicama ESV-a u 2011. godini;
3. Usvajanje Izvještaja o finansijskom poslovanju ESV-a za 2011. godinu i finansijski plan poslovanja ESV-a za 2012. godinu;
4. Razmatranje i prijedlog mjera za poboljšanje aktuelnog stanja u privredi Federacije BiH.
5. Prijedlog odluke o usvajanju programa utroška sredstava utvrđenih u razdjelu 17 „Subvencija javnim poduzećima–Gospodarskim društvima u Federaciji BiH“ Federalnom ministarstvu energije, rudarstva i industrije u 2012.godini;

6. Program utroška sredstava utvrđenih u razdjelu 17 „Subvencija javnim poduzećima–Gospodarskim društvima u Federaciji BiH“ Federalnom ministarstvu energije, rudarstva i industrije u 2012.godini;
7. Pravilnik o minimalnim tehničkim i drugim uslovima za obavljanje registrovane djelatnosti iz oblasti prerađivačke industrije;
8. Program rada Vlade Federacije BiH u mandatnom periodu 2012-2014. godine;
9. Plan rada Federacija BiH za 2012. godinu;

10. Prijedlog za izmirenje duga Vlade Federacije BiH Fondu PIO/MIO
11. Inicijativa Udruženja poslodavaca u FBiH za izmjene i dopune Zakona o doprinosima;
12. Razmatranje i prijedlog mjera za poboljšanje aktuelnog stanja u privredi FBiH;

Ostale tačke dnevnog reda su usvajanje zapisnika, zaključaka i rasprave (razno).

Stručna služba ESV-a

RALIZACIJA ZAKLJUČAKA DONESENIH NA EKONOMSKO-SOCIJALNOM VIJEĆU U 2012. GODINI

84-8. sjednica Ekonomsko-socijalnog vijeća za teritoriju Federacije Bosne i Hercegovine, održana 24.01.2012.godine

Dnevni red:

1. Razmatranje Prednacrta Zakona o izmjenama i dopunama Zakona o porezu na dohodak;
2. Razmatranje Prednacrta Pravilnika o izmjenama i dopunama Pravilnika o primjeni Zakona o porezu na dohodak;
3. Izvještaj o radu ESV-a za 2011. godinu i realizacija Zaključaka ESV-a;
4. Evidencija o prisustvu sjednicama ESV-a u 2011. godini;
5. Razno.

Zaključci:

Ad.1 i Ad.2

1. **Za razliku od Prednacrta Zakona o izmjenama i dopunama Zakona o porezu na dohodak, Ekonomsko socijalno vijeća ne može dati pozitivno mišljenje na Prednacrta Pravilnika o izmjenama i dopunama Pravilnika o primjeni Zakona o porezu na dohodak;**
2. **Potrebno je napraviti simulaciju koja bi pokazala efekte primjene ovog izmjenjenog i dopunjenog zakona;**
3. **Ekonomsko socijalno vijeća obavezuje Federalno ministarstvo finansija da organizuje trilateralni sastanak socijalnih partnera, kako bi usaglasili svoje primjedbe i prijedloge u vezi Prednacrta Pravilnika o izmjenama i dopunama Pravilnika o primjeni Zakona o porezu na dohodak;**
4. **Nakon usaglašavanja, Prednacrta Pravilnika o izmjenama i dopunama Pravilnika o primjeni Zakona o porezu na dohodak uputi na Vladu Federacije BiH.**

Stručna služba je aktima broj 03-34/19-1260/12 od 20.04.2012. godine i 03-34/19-3708/12 od 19.12.2012. godine od Federalnog ministarstva finansija/financija zatražila informaciju o realizaciji navedenog zaključka.

Federalno ministarstvo finansija/financija je aktom broj 02-02-7820/13 od 11.01.2013. godine dostavilo slijedeće:

Kada je u pitanju zaključak koji se tiče Zakona o izmjenama i dopunama Zakona o porezu na dohodak, potrebno je ukazati da se ovim izmjenama koje su usvojene na oba doma Parlamenta Federacije BiH, između ostalog reguliše status lica koja žive na teritoriji Republike Srpske ili Brčko Distrikta a ostvaruju prihode po osnovu nesamostalne djelatnosti na teritoriji Federacije BiH.

Ovim licima kao poreznim obveznicima u smislu Zakona o izmjenama i dopunama Zakona o porezu na dohodak priznaje se osnovni lični odbitak i dobici po osnovu izdržavanih članova uže porodice. Uz ove izmjene izvršene su još neke izmjene i dopune Zakona koje dodatno preciziraju pojedina pitanja, s posebnim osvrtom na igre na sreću i drugo.

U dijelu koji se tiče Pravilnika o izmjenama i dopunama Pravilnika o primjeni Zakona o porezu na dohodak, na koji nije dato pozitivno mišljenje od strane ESV-a, odžan je sastanak s predstavnicima poslodavaca i sindikata na kojem je analiziran tekst Pravilnika o izmjenama i dopunama Pravilnika o primjeni Zakona o porezu na dohodak (član 14.). S tim u vezi je donesen zaključak da se isti povuče iz procedure što je i učinjeno od strane ovog ministarstva.

85-9 sjednica Ekonomsko-socijalnog vijeća za teritoriju Federacije Bosne i Hercegovine, održana dana 28.02.2012.godine

Dnevni red:

1. Razmatranje Nacrta Zakona o koncesijama;
2. Informacija Federalne uprave za inspekcijske poslove o inspekcijskim nadzorima na suzbijanju rada „na crno“;
3. Informacija Porezne uprave Federacije BiH o naplati javnih prihoda;
4. Usvajanje Izvještaja o finansijskom poslovanju ESV-a za 2011. godinu i finansijski plan poslovanja ESV-a za 2012. godinu;
5. Razno.

Zaključci:

Ad.1.

Zaključak ESV-a je da se podržava donošenje Zakona o koncesijama, s preporukom da se u njega ugrade iznesene primjedbe:

- **Komunalne djelatnosti trebaju biti uvrštene u Zakon o koncesijama;**
- **Pojednostaviti procedure za dobivanje koncesije;**
- **Podzakonske akte razmatrati na ESV-u prije njihovog donošenja.**

Stručna služba je aktom broj 03-34/19-1260/12 od 20.04.2012. godine od Federalnog ministarstva prostornog uređenja zatražila informaciju o realizaciji zaključka.

Federalno ministarstva prostornog uređenja je aktom broj 05-02-1322/11-45 od 23.04.2012. godine dostavilo slijedeće:

S obzirom da je Prijedlog zakona o koncesijama u parlamantarnoj proceduri, ne može se tačno odgovoriti u kojem obimu će prijedlozi socijalnih partnera biti uvršteni u tekst Zakona. Uvažena je primjedba da komunalne djelatnosti trebaju biti u Prijedlogu zakona o koncesijama. Primjedba da se pojednostavi procedura za dobivanje koncesije je također uvažana, tako da je predloženo rješenje u Prijedlogu zakona o koncesijama daleko bolje regulisalo postupak dodjele koncesije u odnosu na trenutno važeći Zakon o koncesijama. U kontekstu treće primjedbe,

napomenuto je da nakon donošenja novog Zakona o koncesijama slijedi izrada i usvajanje podzakonskih akata, koji mogu biti dostavljeni ESV-u na razmatranje.

Ad.2.

- **Podržavaju se aktivnosti Federalne uprave za inspekcijske poslove na suzbijanju rada „na crno“;**
- **Aktivnosti na suzbijanje rada „na crno“ moraju biti sistemske i kontinuirane, uz punu podršku vlasti;**
- **ESV predlaže da Parlament Federacije BiH hitno usvoji Zakon o prekršajima kako bi se dala puna potpora aktivnostima inspekcije;**
- **ESV predlaže da se problem rada „na crno“ razmatra jednom mjesečno na sjednicama Vlade FBiH;**
- **ESV će najmanje dva puta godišnje raspravljati pitanje rada „na crno“.**

Sa ovim zaključkom Stručna služba ESV-a je aktom broj 03-34/19-413/12 od 12.03.2012. godine, upoznala Parlament Federacije BiH.

Ad.3.

ESV predlaže Vladi FBiH:

- **Da zakonima ponudi sistemsko rješenje problematike naplate duga i uvezivanja radnog staža, i u sklopu toga pokrene postupak izmjene i dopune Zakona o krivičnom postupku;**
- **Da se Zakona o naplati i djelimičnom otpisu dospjelih, a nenaplaćenih doprinosa socijalnog osiguranja eventualno doradi i ponovo aktivira;**
- **Da sa dužnicima organizuje sastanak radi sagledavanja situacije i pronalaženja optimalnih rješenja**

Stručna služba je aktom broj 03-34/19-3708/12 od 19.12.2012. godine od Federalnog ministarstva finansija/financija zatražila informaciju o relizaciji zaključka.

Federalno ministarstvo finansija/financija je aktom broj 02-02-7820/13 od 11.01.2013. godine dostavilo slijedeće:

U vezi realizacije ovog zaključka, napominjemo da su Zakonom o naplati i djelimičnom otpisu dospjelih, a nenaplaćenih doprinosa za socijalno osiguranje („Službene novine Federacije BiH“, br: 25/06 i 57/09) bili utvrđeni uslovi, načini plaćanja i postupak nalate i djelimični otpis dospjelih, a nenaplaćenih doprinosa za penzijsko i invalidsko osiguranje, zdravstveno osiguranje i osiguranje od nezaposlenosti (kao i otpis pripadajućih zateznih kamata) kod pravnih lica koja su imala strukturu državnog kapitala 50% i više u periodu od 01.01.1992. godine do 31.12.2005. godine (u osnovu izmjena i dopuna zakona i u periodu od 01.01.2006. godine do 31.12.2008. godine). U skladu sa odredbama ovog zakona dužnici koji su imali dugovanja po osnovu doprinosa mogli su pokrenuti postupak plaćanja doprinosa, uz korištenje olakšica iz navedenog zakona, pojedinačnom prijavom dugovanja kod nositelja osiguranja, u prvom roku do 24.07.2006. godine, a u drugom roku (propisanim Zakonom o izmjenama i dopunama

navedenog zakona) do 02.11.2009. godine. Rok za zaključivanje sporazuma između dužnika i nositelja osiguranja bio je 90 dana od dana podnošenja prijave, odnosno najkasnije do 31.01.2010. godine. Obzirom na to da je navedeni zakon bio temporalnog karaktera i da je od februara 2010. godine prestao sa važenjem, izmjene i dopune istog nisu moguće.

U kontekstu navedenog, napominjemo da je predmetno djelimično riješeno Zakonom o izmjenama i dopunama Zakona o visini stope zatezne kamate na javne prihode koji je prošao parlamentarnu proceduru, a u skladu sa zakonom o Poreznoj upravi Federacije BiH postoji mogućnost zaključivanja sporazuma o plaćanju obaveza u ratama ili reprogramu obaveza. Mišljenja smo, s obzirom da je u dva navrata bila mogućnost prijave dugovanja po osnovu doprinosa uz značajne olakšice (otpis zateznih kamata, diskont glavnice duga i mogućnost obročnog plaćanja) svi dužnici koji su namjeravali izmiriti obaveze su se i prijavili. Ovakvi prijedlozi ne nailaze na opravdanje kod privatnog sektora i nose loše poruke da se može narušavati finansijska disciplina bez ikakvih sankcija i da su se na ovaj način do sada štitila, kroz propise, preduzeća u većinskom državnom vlasništvu. Napominjemo, u vezi sa izmjenama i dopunama Zakona o naplati i djelimičnom otpisu dospjelih, a nenaplaćenih doprinosa za socijalno osiguranje, kojim je bio propisan novi rok za prijavu dugovanja po osnovu doprinosa i proširen obuhvat dugovanja za dodatni novi period (od 01.01.2006. do 31.12.2008. godine), da navedeno nije dalo očekivane rezultate i da je mali broj preduzeća prijavio dugovanja radi izmirenja istih uz korištenje naprijed navedenih olakšica.

IV vanredna sjednice Ekonomsko-socijalnog vijeća za teritoriju Federacije Bosne i Hercegovine, održana dana 20.03.2012.godine

Dnevni red:

1. Usvajanje zapisnika sa redovne 85-9 sjednice ESV-a;
2. Razmatranje i prijedlog mjera za poboljšanje aktuelnog stanja u privredi Federacije BiH.

Socijalni partneri smatraju tačku 2. dnevnog reda izuzetno značajnom, kao i materijale dostavljene od strane Federalnog ministarstva energije, rudarstva i industrije. Pošto predložena tema zahtijeva dodatno vrijeme za bolje upoznavanje sa dostavljenim materijalima, mišljenja su da se današnja sjednica treba odgoditi za prvu polovinu aprila.

86-10. sjednica Ekonomsko-socijalnog vijeća za teritoriju Federacije Bosne i Hercegovine, održana dana 09.04.2012. godine

Dnevni red:

1. Nacrt zakona o izmjeni Zakona o izvršnom postupku (Inicijativa za dopune Zakona o izvršnom postupku, Zakon o dopunama Zakona o izvršnom postupku i Odredbe zakona koje se mijenjaju);
2. Prednacrt zakona o finansijskoj konsolidaciji privrednih društava u Federaciji BiH;
3. Prenacrt zakona o izmjenama i dopunama Zakona o privrednim društvima;
4. Nacrt zakona o upravljanju državnim kapitalom u privrednim društvima u Federaciji BiH;

5. Prijedlog odluke o usvajanju programa utroška sredstava utvrđenih u razdjelu 17 „Subvencija javnim poduzećima–Gospodarskim društvima u Federaciji BiH“ Federalnom ministarstvu energije, rudarstva i industrije u 2012.godini;
6. Program utroška sredstava utvrđenih u razdjelu 17 „Subvencija javnim poduzećima–Gospodarskim društvima u Federaciji BiH“ Federalnom ministarstvu energije, rudarstva i industrije u 2012.godini;
7. Pravilnik o minimalnim tehničkim i drugim uslovima za obavljanje registrovane djelatnosti iz oblasti prerađivačke industrije;
8. Program rada Vlade Federacije BiH u mandatnom periodu 2012-2014. godine;
9. Plan rada Federacija BiH za 2012. godinu;
10. Razno

Zaključci:

Ad.2.

Nije postignuta suglasnost socijalnih partnera oko Zakona o izmjeni Zakona o izvršnom postupku. Ključni problem utvrđivanja prioriteta plaćanja iz budžeta predstavnici Poslodavaca i Sindikata će sa resornim ministrom raspraviti u najkraćem roku i dogovoriti zajednička rješenja.

Sastanak je zakazan za 10. 04. 2012.godine.

Stručna služba je aktom broj 03-34/19-1260/12 od 20.04.2012. godine od Federalnog ministarstva pravde zatražila informaciju o relizaciji zaključka.

Ad. 3, 4, 5, 6, 7 i 8

- **Ekonomsko socijalno vijeće je generalno podržalo predložene zakone, odluke i podzakonske akte, koje je Federalno ministarstvo energije, rudarstva i industrije dostavilo na razmatranje;**
- **Socijalni partneri će se aktivno uključiti u razmatranje ponuđenih propisa, s tim da svoje pisane primjedbe, prijedloge i sugestije trebaju dostaviti obrađivaču do 20. aprila tekuće godine, kako bi se prihvatljive ugradile u iste;**
- **Traži se od Federalnog ministarstva pravde da se što hitnije izjasni u vezi dostavljenog prijedloga Zakona o dopunama Zakona o izvršnom postupku, koji je u vezi sa Prednacrtom zakona o finansijskoj konsolidaciji privrednih društava u FBiH;**
- **Ekonomsko socijalno vijeće će nakon obavljene rasprave na sjednici Vlade Federacije BiH o navedenim propisima ponovno, na jednoj od sjednica, zauzeti konačane stavove o predloženim propisima.**
- **Nacrt zakona o upravljanju državnim kapitalom u privrednim društvima uputi u parlamentarnu proceduru.**

Stručna služba je aktom broj 03-34/19-1260/12 od 20.04.2012. godine zatražila od Federalnog ministarstva pravde i Federalnog ministarstva energije, rudarstva i industrije informaciju o realizaciji zaključka.

Federalno ministarstva energije, rudarstva i industrije je aktom broj 08/07-02-1423/12 od 24.05.2012. godine dostavilo slijedeće:

Ad. 3.

Prednacrt zakona o finansijskoj konsolidaciji privrednih društava u Federaciji Bosne i Hercegovine;

U proteklom periodu usaglašen je konačni tekst Prednacrt zakona o finansijskoj konsolidaciji privrednih društava u Federaciji Bosne i Hercegovine, te je u skladu sa članom 26. stav 1. Poslovnika o radu Vlade Federacije Bosne i Hercegovine („Službene novine Federacije BiH“, br. 6/10, 37/10 i 62/10) uz Prednacrt zakona sačinjeno i obrazloženje koje sadrži: ustavni osnov, razloge za donošenje propisa, načela na kojima treba da se urede odnosi, obrazloženje predloženih pravnih rješenja, kao i navode o finansijskim sredstvima potrebnim za provođenje ovog zakona.

Nakon provođenja navedenih aktivnosti, aktom ovog Ministarstva, broj: 08-02-2500/11 od 10.05.2012. godine, u skladu sa članom 27. Poslovnika o radu Vlade Federacije Bosne i Hercegovine, Prednacrt zakona o finansijskoj konsolidaciji privrednih društava u Federaciji Bosne i Hercegovine sa obrazloženjem dostavljen je na mišljenje Federalnom ministarstvu pravde, Federalnom ministarstvu finansija i Uredu Vlade Federacije Bosne i Hercegovine za zakonodavstvo i usklađenost sa propisima EU, a kako bi isti mogao biti razmatran na jednoj od narednih sjednica Vlade Federacije Bosne i Hercegovine.

Ad. 4.

Prednacrt zakona o izmjenama i dopunama Zakona o privrednim društvima;

Nakon što je usaglašen konačni tekst Prednacrt zakona o izmjenama i dopunama Zakona o privrednim društvima i nakon što je u skladu sa članom 26. stav 1. Poslovnika o radu Vlade Federacije Bosne i Hercegovine sačinjeno obrazloženje za predmetni Prednacrt zakona, na isti su aktom ovog Ministarstva, broj: 02-02-2763/11 od 10.05.2012. godine, zatražena mišljenja u skladu sa članom 27. Poslovnika radu Vlade Federacije Bosne i Hercegovine.

Ujedno, potrebno je napomenuti da je Prednacrtom zakona o izmjenama i dopunama Zakona o privrednim društvima, pored ostalog, predviđena i izmjena člana 11. Zakona o privrednim društvima („Službene novine Federacije BiH“, br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10) i to na način da se osnivanje podružnica na teritoriji Federacije Bosne i Hercegovine omogući i domaćim i stranim privrednim društvima, s tim da je predviđeno da se podružnica registruje u skladu sa zakonom kojim se uređuje registracija poslovnih subjekata.

Izmjenom člana 11. na navedeni način prihvata se jedna od preporuka Vijeća stranih investitora u Bosni i Hercegovini, te se ujedno vrši usklađivanje Zakona o privrednim društvima sa članom 51. Sporazuma o stabilizaciji i pridruživanju kojim je utvrđeno da će Bosna i Hercegovina u

pogledu poslovnog nastanjivanja društava Zajednice na teritoriji Bosne i Hercegovine odobriti tretman koji nije manje povoljan od tretmana koji daje vlastitim društvima, a što uključuje i osnivanje podružnica, kao i usklađivanje sa odgovarajućim zakonima u Republici Srpskoj i Brčko Distriktu.

Uzimajući u obzir da je predmetnom izmjenom člana 11. Zakona o privrednim društvima predviđeno da podružnicu mogu osnovati i strana privredna društva i da se ista registruje u skladu sa zakonom kojim se uređuje registracija poslovnih subjekata, kao i da važećim tekstom Zakona o registraciji poslovnih subjekata u Federaciji Bosne i Hercegovine («Službene novine Federacije BiH», br. 27/05, 68/05 i 43/09) nije predviđena mogućnost upisa u registar poslovnica stranih privrednih društava, u cilju ujednačavanja propisa, aktom ovog Ministarstva, broj: 02-02-2763/11 od 27.01.2012. godine i urgencija od 21.05.2012. godine, Federalnom ministarstvu pravde kao obrađivaču teksta upućena je inicijativa za izmjene i dopune Zakona o registraciji poslovnih subjekata u Federaciji Bosne i Hercegovine, kako bi oba propisa istovremeno mogla biti dostavljena na razmatranje Vladi Federacije Bosne i Hercegovine.

Ad. 5.

Nacrt zakona o upravljanju državnim kapitalom u privrednim društvima u Federaciji Bosne i Hercegovine;

U dosada provedenom postupku za donošenje ovog zakona Vlada Federacije Bosne i Hercegovine na 20. sjednici održanoj 04.10.2011. godine, utvrdila je Nacrt zakona o upravljanju državnim kapitalom u privrednim društvima u Federaciji Bosne i Hercegovine, te je isti radi razmatranja upućen u parlamentarnu proceduru.

Predstavnički dom Parlamenta Federacije Bosne i Hercegovine, na nastavku 7. sjednice održanom 27.10.2011. godine, prilikom razmatranja Nacrta zakona o upravljanju državnim kapitalom u privrednim društvima u Federaciji Bosne i Hercegovine, usvojio je zaključak, broj: 01-02-1336/11 od 01.11.2011. godine, kojim je utvrđeno da predmetni Nacrt zakona može poslužiti kao osnova za izradu Prijedloga zakona, te je predlagač zadužen da organizuje i provede javnu raspravu u trajanju od 45 dana.

Dom naroda Parlamenta Federacije Bosne i Hercegovine, na 6. sjednici održanoj 10.11.2011. godine, prilikom razmatranja Nacrta zakona o upravljanju državnim kapitalom u privrednim društvima u Federaciji Bosne i Hercegovine, usvojio je zaključak, kojim je utvrđeno da predmetni Nacrt zakona može poslužiti kao osnova za izradu Prijedloga zakona.

Postupajući u skladu sa navedenim zaključcima, a u cilju sačinjavanja što kvalitetnijeg teksta Prijedloga zakona o upravljanju državnim kapitalom u privrednim društvima u Federaciji Bosne i Hercegovine, Federalno ministarstvo energije, rudarstva i industrije preduzelo je niz aktivnosti, pa je tako dana 24.11.2011. godine u prostorijama Doma sindikata u Sarajevu, u organizaciji Saveza samostalnih sindikata Bosne i Hercegovine, održana Javna rasprava o predmetnom Nacrtu zakona, kojoj je prisustvovao značajan broj članova ovog Sindikata.

Javna rasprava o predmetnom Nacrtu zakona u organizaciji Federalnog ministarstva energije rudarstva i industrije i Privredne/gospodarske komore Federacije Bosne i Hercegovine, održana je dana 12.12.2011. godine u Sarajevu, dok je Javna rasprava u organizaciji Privredne komore Tuzlanskog kantona održana dana 07.12.2011. godine u Tuzli.

Dana 30.11.2011. godine, tekst Nacrta zakona sa obrazloženjem objavljen je i na službenoj web stranici Federalnog ministarstva energije rudarstva i industrije (www.fmeri.gov.ba), čime je isti

postao dostupan najširem krugu zainteresovanih lica, koja su nakon uvida u objavljeni tekst imala mogućnost da na adresu Ministarstva dostave sve eventualne prijedloge i sugestije, radi razmatranja prilikom sačinjavanja Prijedloga zakona.

Pored navedenog, Federalno ministarstvo energije, rudarstva i industrije dostavilo je tekst Nacrta zakona o upravljanju državnim kapitalom u privrednim društvima u Federaciji Bosne i Hercegovine federalnim ministarstvima koja u privrednim društvima vrše ovlaštenja po osnovu učešća državnog kapitala, kao i svim vladama kantona u Federaciji Bosne i Hercegovine sa zahtjevom da kantonalne vlade tekst ovog Nacrta zakona upute opštinama i svim drugim relevantnim subjektima u svom kantonu, a radi dostavljanja eventualnih prijedloga i sugestija.

U cilju sačinjavanja što kvalitetnijeg teksta, Nacrt zakona je dostavljen i na adrese 26 privrednih društava u kojim Federalno ministarstvo energije, rudarstva i industrije vrši ovlaštenja po osnovu učešća državnog kapitala, Komisiji za vrijednosne papire Federacije Bosne i Hercegovine i Registru vrijednosnih papira u Federaciji Bosne i Hercegovine.

Nakon što su okončane sve navedene aktivnosti, uz uvažavanje najvećeg broja prikupljenih i obrađenih prijedloga i sugestija, posebno prijedloga i sugestija iznesenih u parlamentarnoj raspravi, sačinjen je tekst Prijedloga zakona o upravljanju državnim kapitalom u privrednim društvima u Federaciji Bosne i Hercegovine, te je aktom ovog Ministarstva, broj: 08-34-1127/11 od 10.04.2012. godine, isti dostavljen na mišljenje u skladu sa članom 27. Poslovnika radu Vlade Federacije Bosne i Hercegovine.

Aktom ovog Ministarstva, broj: 08-34-1127/11 od 25.05.2012. godine, Prijedlog zakona o upravljanju državnim kapitalom u privrednim društvima u Federaciji Bosne i Hercegovine sa obrazloženjem upućen je Vladi Federacije Bosne i Hercegovine.

Ad. 6 i 7

Prijedlog odluke o usvajanju Programa utroška sredstava utvrđenih u razdjelu 17 „Subvencije javnim preduzećima – Privrednim društvima u Federaciji BiH“ Federalnom ministarstvu energije, rudarstva i industrije u 2012. godini i Program utroška sredstava utvrđenih u razdjelu 17 „Subvencije javnim preduzećima – Privrednim društvima u Federaciji BiH“ Federalnom ministarstvu energije, rudarstva i industrije u 2012. godini;

U toku su aktivnosti na sačinjavanju konačnog teksta navedenih akata i isti će u narednom periodu od približno 20 dana sa odgovarajućim obrazloženjem biti upućeni Vladi Federacije Bosne i Hercegovine radi razmatranja i donošenja.

Ad. 8.

Pravilnik o minimalno tehničkim i drugim uslovima za obavljanje registrovane djelatnosti iz oblasti prerađivačke industrije.

U toku su dodatne analize i korekcije teksta Pravilnika o minimalno tehničkim i drugim uslovima za obavljanje registrovane djelatnosti iz oblasti prerađivačke industrije.

Ad. 9 i 10

Zaključak ESV-a je da socijalni partneri prijedloge i sugestije na predstavljeni Program rada Vlade Federacije BiH 2012 -2014.godine upute direktno Vladi FBiH, sa zahtjevom za ubrzanje procesa usvajanja zakona.

87-11. sjednica Ekonomsko-socijalnog vijeća za teritoriju Federacije Bosne i Hercegovine, održana dana 15.05.2012. godine.

Dnevni red:

1. Nacrt zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine;
2. Razmatranje Nacrta zakona o šumarstvu;
3. Informacija o usvojenim zaključcima ESV-a u prvom kvartalu 2012. godine;
4. Razno.

Zaključci:

Ad.1

Ekonomsko-socijalno vijeće podržava donošenje Zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine i predlaže da se u konačan tekst Zakona ugrade prihvatljive primjedbe i sugestije socijalnih partnera.

Ad.2

Ekonomsko-socijalno vijeće podržava donošenje Zakona o šumarstvu. U sklopu javne rasprave biće razmotrene primjedbe i sugestije koje će socijalni partneri pismeno dostaviti predlažaču Zakona o šumarstvu. Konačan tekst ovog zakona biće ponovo razmatran na sjednici ESV-a

Ad. 3.

Delegacije Poslodavaca i Sindikata Informaciju o usvojenim zaključcima ESV-a u prvom kvartalu 2012.godine su ocjenili nepotpunom, bez cjelovitih informacija i odgovora o realizaciji zaključaka koji se odnose na Vladu Federacije BiH.

88-12. sjednica Ekonomsko-socijalnog vijeća za teritoriju Federacije Bosne i Hercegovine, održana dana 19.06.2012. godine.

Dnevni red:

1. Razmatranje Nacrta zakona o radu;
2. Informacija o implementaciji Zakona o fiskalnim sistemima;

3. Informacija o naplati direktnih poreza u Federaciji BiH;
4. Razno.

Zaključci:

Ad.1

Ekonomsko-socijalno vijeće je zaključilo da se socijalni partneri sastanu 25.06.2012. godine u prostorijama Federalnog ministarstva rada i socijalne politike i usaglase neusaglašene stavove kako bi se Nacrt Zakona o radu što hitnije uputio prema Vladi FBiH radi utvrđivanja Prijedloga i upućivanja u parlamentarnu proceduru.

Objedinjen odgovor je na strani 19. u okviru tačke Ad.3.

Ad.2

Ekonomsko-socijalno vijeće smatra da projekat fiskalizacije treba organizirano dovesti do kraja i poziva socijalne partnere da iznesu svoje ideje za uspješno prevazilaženje nastalih problema.

Ad.3

Ekonomsko-socijalno vijeće traži od nadležnih državnih institucija da preduzmu sve potrebne mjere, kako bi se obaveze privrednih subjekata, kada su u pitanju porezi i doprinosi, još uspješnije i efikasnije naplatili.

Ekonomsko-socijalno vijeće traži da Porezna uprava Federacije BiH javno objavi podatke o pravnim subjektima, koji ne izmiruju svoje zakonske obaveze, kada je u pitanju redovnost plaćanja poreza i doprinosa.

89-13. sjednica Ekonomsko-socijalnog vijeća za teritoriju Federacije Bosne i Hercegovine, održana dana 03.09.2012. godine.

Dnevni red:

1. Rebalans Budžeta Vlade Federacije BiH;
2. Zakon o izvršenju Budžeta Vlade Federacije BiH;
3. Prijedlog za izmirenje duga Vlade Federacije BiH Fondu PIO/MIO
4. Razno.

Zaključci:

Ad. 1 i 2

1. Daje se podrška opredjeljenju Vlade Federacije BiH za preduzimanje mjera koje idu u pravcu smanjenja javne potrošnje, stabilnosti fiskalnog sistema, kontrole potrošnje te smanjenja budžetskog deficita.
2. Od izvršne i zakonodavne vlasti u Federaciji BiH socijalni partneri očekuju stvaranje političke klime za sprovođenje strukturalnih i sistemskih reformi, koje će omogućiti realizaciju ciljeva iz prethodne tačke.
3. Delegacije Poslodavaca i Sindikata ne daju podršku smanjenju poticaja poljoprivrednicima u iznosu od 10 miliona KM, i pored toga što je to izričit zahtjev MMF i traže od Vlade Federacije BiH da se ovaj iznos nadokanadi sa pozicije Prihodi od GSM licence, koja je u Prijedlogu rebalansa Budžeta Federacije BiH predviđena u iznosu od 39 miliona KM.
4. Od Vlade Federacije BiH se očekuje da angažovanjem sredstva iz budžetske rezerve znatnije interveniše u cilju sanacije katastrofalnih šteta u poljoprivredi nastalih februarским snijegom i ljetnim sušama.
5. U Prijedlogu zakona o izmjenama i dopunama Zakona o izvršenju Budžeta Federacije BiH za 2012. godinu, u članu 2. na kraju teksta brisati tačku i dodati tekst „i kolektivni ugovori“.
6. Delegacije Poslodavaca i Sindikata insistiraju da Vlada Federacije BiH poštuje obaveze preuzete Sporazumom o osnivanju ESV-a i da ubuduće omogući socijalnim partnerima pravovremenu raspravu o budžetu i rebalansima budžeta kako bi dali svoje sugestije na iste.

Stručna služba je aktom broj 03-34/19-3708/12 od 19.12.2012. godine od Federalnog ministarstva finansija/financija zatražila informaciju o realizaciji zaključka.

Federalno ministarstvo finansija/financija je aktom broj 02-02-7820/13 od 11.01.2013. godine dostavilo slijedeće:

Vezano za tačku 3. koja se tiče Izmjena i dopuna Budžeta Federacije BiH za 2012. godinu (Službene novine br. 77/12 od dana 10.09.2012. godine), ukazujemo da su na razdjelu 2401-Federalno ministarstvo poljoprivrede, vodoprivrede i šumarstva na ekonomskom kodu 614400-Poticaj za poljoprivredu smanjena sredstva u iznosu od 10,0 miliona KM u odnosu na Budžet Federacije BiH za 2012. godinu. Nadalje, sredstva prikupljena od prihoda od GSM licenci, a predviđena u Prijedlogu rebalansa Budžeta Federacije BiH za 2012. godinu na osnovu Odluke o prenosu sredstava od GSM licence („Službene novine Federacije BiH broj 21/12) u iznosu od 39,0 miliona KM, trošit će se na osnovu Programa investiranja koje je već usvojila Vlada Federacije BiH i ista se ne mogu koristiti za isplatu podsticaja za privredu, obzirom da se radi o namjenskim sredstvima.

Vezano za tačku 4. napominjemo da obzirom na skroman iznos sredstava koji je utvrđen u Budžetu Federacije BiH za 2012. godinu na poziciji Tekuća razerva Vlade Federacije BiH te s obzirom na to da je Rebalans Budžeta Vlade Federacije BiH za 2012. godinu usvojen u

septembru mjesecu 2012. godine, značajan dio sredstava već je potrošen. Vlada Federacije BiH je u Budžetu Federacije BiH za 2013. godinu planirala dodatnih 10,0 miliona KM za nabavku robnih rezervi u cilju prevazilaženja posljedica u poljoprivrednom sektoru izazvanih sušom i drugim elementarnim nepogodama.

Vezano za tačku 5. koja se tiče Zakona o izvršenju Budžeta Federacije BiH za 2012. godinu (Službene novine br. 3/12) od 12.01.2012. godine u članu 20. stavu 2. stoji i „Općeg kolektivnog ugovora na teritoriji Federacije Bosne i Hercegovine“ („Službene novine Federacije BiH“, broj 54/05).

Ad.3

Predstavnički dom Parlamenta FBiH, na 8. vanrednoj sjednici, održanoj 06.09.2012. godine i Dom naroda Parlamenta FBiH na 13. sjednici od 13.12. i 20.12.2012. godine usvojio je Prijedlog zakona o izmirenje obaveza Vlade Federacije BiH prema Federalnom zavodu za penzijsko i invalidako osiguranje.

90-14. sjednica Ekonomsko-socijalnog vijeća za teritoriju Federacije Bosne i Hercegovine, održana dana 07.11.2012. godine.

Dnevni red:

1. Inicijativa Udruženja poslodavaca u FBiH za izmjene i dopune Zakona o doprinosima;
2. Zakon o privrednim komorama Federacije BiH;
3. Analiza stanja robnih rezervi u Federaciji BiH;
4. Nacrt zakona o zaštiti jemaca u Federaciji BiH;
5. Razno.

Zaključci:

Ad. 1

Zaključak ESV-a je da stavovi za izmjene i dopune Zakona o doprinosima nisu usaglašeni na današnjoj sjednici, te da se o prijedlogu da osnovica za obračun doprinosa ne može biti niža od prosjeka plaće u odgovarajućoj grani privrede, predstavnici Poslodavaca konsultiraju i o donesenom stavu izvijeste ESV.

Ad.2

- **Podržava se nastojanje da se donošenjem novog zakona, na bolji i potpuniji način reguliše ovo veoma važno pitanje;**
- **Traži se od Vlade Federacije BiH da odgovori na primjedbe predstavnika Poslodavaca i Sindikata, odnosno da ih uvrsti u tekt zakona ili obrazloži zašto se ne mogu uvrstiti;**
- **Kad zakon bude u formi Prijedloga, da se ponovo dostavi ESV-u na raspravu.**

Ad.3

Zaključak ESV je da analiza stanja robnih rezervi u Federaciji BiH bude razmatrana na sljedećoj sjednici, dopunjena prezentiranjem nalaza inspekcije o stanju robnih rezervi.

Ad.4

- **Podržava se nastojanje da se institucija jemaca zaštiti zakonom;**
- **Nakon javne rasprave potrebno je zatražiti stručno mišljenje relevantnih institucija o ponuđenim rješenjima.**

Predstavnički dom Parlamenta Federacije BiH uputio je poziv da se u utorak, 22.01.2013. godine održi Okrugli sto – stručna rasprava, na temu: Prijedlog zakona o zaštiti jemaca u Federaciji BiH, koji će biti razmatran na prvoj redovnoj sjednici Predstavničkog doma.

91-15. sjednica Ekonomsko-socijalnog vijeća za teritoriju Federacije Bosne i Hercegovine, održana dana 20.11.2012. godine.

Dnevni red:

1. Analiza stanja robnih rezervi u Federaciji BiH;
2. Nacrt zakona o sigurnosti i zdravlju na radu;
3. Prednacrt zakona o štrajku;
4. Nacrt zakona o prekršajima;
5. Razno.

Zaključci:

Ad. 1

- **Ekonomsko-socijalno vijeće predlaže Vladi FBiH da utvrdi dugoročan strateški program robnih rezervi i da u narednim budžetima predvidi povećanje novčanih sredstva za ove namjene.**
- **Ekonomsko-socijalno vijeće podržava Zaključke Vlade FBiH koje je donijela nakon razmatranja Informacije Federalne uprave za inspekcijske poslove o inspekcijskoj kontroli skladišta u kojima su smještene robe Federalne direkcije robnih rezervi.**
- **Ekonomsko-socijalno vijeće sugeriše Vladi FBiH da što više robnih rezervi nastoji čuvati u vlastitim skladištima.**
- **Iskazane sugestije socijalnih partnera dostaviti Federalnoj direkciji robnih rezervi i Vladi FBiH, kako bi se očitovali.**

Stručna služba je aktom broj 03-34/19-3708/12 od 19.12.2012. godine zatražila od Federalnog ministarstva trgovine informaciju o relizaciji zaključka.

Federalno ministarstva trgovine je aktom broj 01-49-1733-1/12 od 07.01.2013. godine dostavilo slijedeće:

Cijeneći važnost ove problematike želimo još jednom istaći da je potrebno da Direkcija robnih rezervi **omah pristupi izradi novog zakona o federalnim robnim rezervama.** Kao podlogu za

izradu potrebno je koristiti Prednacrt Zakona, čiji je obrađivač Federalno ministarstvo trgovine i koji je već bio u proceduri i raspravi na Vladi i nadležnim ministarstvima. Evidentno je da postojeći legislativni okvir, koji reguliše oblast federalnih robnih rezervi, nije se u praksi pokazao kao dobro rješenje i mišljenja smo da aktuelna problematika Direkcije zahtjeva sistemsko rješavanje i angažman Vlade FBiH, Savjeta Direkcije i ministarstva čiji su predstavnici članovi navedenog Savjeta. Vlada FBiH na svojoj 43. sjednici održanoj 23.01.2008. godine zadužila Federalno ministarstvo trgovine da u saradnji sa: Federalnim ministarstvom finansija, Federalnim ministarstvom pravde, Federalnim ministarstvom zdravstva, Federalnim ministarstvom poljoprivrede vodoprivrede i šumarstva i Uredom Vlade FBiH za zakonodavstvo i usklađenost sa propisima EU, **pripremi konačan tekst Prednacrt Zakona** u skladu sa primjedbama prihvaćenim u raspravi, te dostavi ga Vladi na razmatranje.

U skladu sa navedenim ovo Ministarstvo je kao nosilac aktivnosti za izradu Prednacrt Zakona dostavio isti svim nosiocima zaduženja iz predmetnog Zaključka. Nakon održanih sastanaka sa svim predstavnicima, kao i sa v.d. direktorom Direkcije **zaključeno je da se prolongira rok za donošenje novog zakona, te da se zaduži Federalna direkcija robnih rezervi za nastavak aktivnosti za izradu Nacrta Zakona.**

Mišljenja samo da postojeće zakonsko rješenje treba inovirati na način da novi zakon obavezno sadrži odredbu da se poslovi uskladištenja **ne mogu povjeriti** pravnim i fizičkim osobama kojima je u posljednje dvije godine pravomoćnom sudskom odlukom ili rješenjem o prekršaju izrečena mjera sigurnosti ili zaštitna mjera zabrane rada, niti skladištarima koji su zbog nemara prouzročili pad kvalitete robe i umanjenje tržišne vrijednosti robe u vlasništvu Federalne direkcije robnih rezervi.

Veliki problem boljeg funkcionisanja Direkcije je nedostatak vlastitih skladišta i nefunkcionisanje Terminala Federacije BiH. Smatramo da je potrebno razmotriti mogućnost eventualne nabavke kapitalne imovine (vlastita skladišta) za potrebe Direkcije.

Nadalje, popis roba, koja mogu činiti federalne robne rezerve, treba biti sastavni dio novog zakonskog rješenja i nužno je da se pri izradi iste uključi Vlada Federacije BiH kako se pri odabiru robe ne bi ponavljale dosadašnje greške.

Planiranje robnih rezervi, po važećem Zakonu, temelji se na srednjoročnom Programu od 5 godina i godišnjem, operativnom Programu. Rad Direkcije potrebno je poboljšati posebno u operativnom planiranju, na način da se u novom Zakonu propiše obavezna saradnja sa kantonalnim vladama kod izrade navedenog plana. U tom cilju potrebno je prethodno sagledati stanje u svim kantonalnim direkcijama za robne rezerve, te pri izradi novog zakonskog rješenja odrediti prava i obaveze kantonalnih inspekcija, kao i međusobne odnose federalne direkcije sa kantonalnim direkcijama.

Ad.2

Ekonomsko-socijalno vijeće podržava donošenje Zakona o sigurnosti i zdravlju na radu i predlaže da se formira Radna grupa, koju će činiti po dva predstavnika svake delegacije, kako bi u narednih 15 dana usaglasiti konačan tekst Zakona i u formi Nacrta uputiti Vladi Federacije BiH.

Federalno ministarstva rada i socijalne politike je dostavilo slijedeće:

U skladu sa Zaključkom ESV formirana je Radna grupa od predstvanika sindikata, poslodavaca i Federalnog ministarstva rada i socijalne politike, koja je na sastanku održanom u petak, 18.01. 2013.godine raspravljala o Prednacrtu zakona o sigurnosti i zdravlju na radu, te će na osnovu primjedbi i sugestija utvrditi konačni tekst koji će se uputiti nadležnim tijelima na mišljenje, a nakon toga Vladi Federacije BiH radi utvrđivanja Nacrta zakona i upućivanja u parlamentarnu proceduru.

Napominjemo da je Vladi Federacije BiH u prethodnom sazivu, bio dostavljen Nacrt zakona o sigurnosti i zdravlju na radu radi utvrđivanja Prijedloga zakona, ali je zbog određenih primjedbi Ministarstva zdravstva, tekst vraćen obrađivaču na doradu. Istovremeno je zaključcima oba doma Parlamenta BiH utvrđeno da će donošenje ovog zakona ići zajedno sa donošenjem novog Zakona o radu, te je stoga dalja procedura vezana za Zakon o sigurnosti i zdravlju na radu zaustavljena.

Obzirom da je prošlo dosta vremena, te da je promijenjen sastav Vlade Federacije BiH i Parlamenta Federacije BiH, prema našem mišljenju, ovaj zakon treba vratiti u formu Prednacrtu i provesti proceduru donošenja Zakona sukladno Poslovniku o radu Vlade Federacije BiH.

Ad.3

Ekonomsko-socijalno vijeće predlaže da po dva predstavnika svake delegacije formira Radnu grupu radi usaglašavanja primjedbi i sugestija socijalnih partnera na tekst Zakona o štrajku.

U skladu sa Zaključkom ESV formirana je Radna grupa od predstvanika sindikata, poslodavaca i Federalnog ministarstva rada i socijalne politike. Također je upućen zahtjev da se dostave primjedbe i sugestije na tekst Zakona o štrajku, poslije čega će biti utvrđen datum sastanka Radne grupe.

Ad.4

Ekonomsko-socijalno vijeće je podržalo donošenje Zakona o prekršajima, s tim da će resorno ministarstvo razmotriti primjedbe i sugestije socijalnih partnera.

V vanredne sjednica Ekonomsko-socijalnog vijeća za teritoriju Federacije Bosne i Hercegovine, održana dana 28.11.2012. godine.

Dnevni red:

1. Nacrt Budžeta za 2013.godinu;
2. Nacrt zakona o izvršavanju Budžeta za 2013. godinu;
3. Prijedlog zakona o radu;
4. Razno.

Zaključci:

Ad.1 i 2

Ekonomsko-socijalno vijeće je suglasno da Vlada Federacije BiH uputi u parlamentarnu proceduru Nacrt Budžeta Federacije BiH za 2013.godinu i Nacrt zakona o izvršavanju Budžeta za 2013. godinu, kakav je usaglašen sa predstavnicima MMF-a.

Ad.3

- **Ekonomsko-socijalno vijeće je zaključilo da delegacije Poslodavaca i Sindikata do ponedjeljka 03.12.2012.godine(do kraja radnog dana) međusobno razmjene primjedbe na utvrđeni Prijedlog zakona o radu, sa prijedlogom za rješenje spornih članova Zakona i iste dostave resornom ministarstvu na uvid.**
- **Zadužuje se resorni ministar da u narednih sedam dana (počev od 03.12.2012. godine) organizira sastanak socijalnih partnera radi usaglašavanja spornih odredaba;**
- **O postignutim dogovorima resorno ministarstvo će obavijestiti Ekonomsko-socijalno vijeće i Vladu Federacije BiH, radi dalje procedure po ovom Zakonu.**

Federalno ministarstva rada i socijalne politike je dostavilo slijedeće:

Kao što je poznato, Nacrt zakona o radu je bio upućen u javnu raspravu temeljem zaključaka oba doma Parlamenta Federacije koja je trajala 60 dana. Nakon završene javne rasprave, sukladno zahtjevima koji su izneseni, pripremljen je novi tekst Nacrta koji je razmatralo Ekonomsko socijalno vijeće, ali na koji su određene primjedbe opet imali i poslodavci i sindikat. U cilju ponovnog usaglašavanja usaglašavanja oko spornih pitanja održan je sastanak predstavnika sindikata, poslodavaca i Federalnog ministarstva rada i socijalne politike koji je održan 25 juna 2012.. Na tom sastanku su uglavnom iznesene primjedbe i prijedlozi obje strane, ali nije bilo konkretnih zaključaka i dogovora u svezi pojedinih spornih članova i konačnih prijedloga rješenja.

Neophodno je napomenuti da su u dosadašnjem radu na izradi novog Zakona o radu od samog početka učestvovali predstavnici i sindikata i poslodavaca i da se taj rad temeljio na međusobnom poštivanju, uvažavanju, povjerenju i nastojanju da se iznađu rješenja koja će zadovoljiti i poslodavce i sindikat, ali koja će biti realna i provodiva u postojećoj ekonomskoj situaciji. Pri izradi zakona, obrađivač mora voditi računa o objektivnosti zahtjeva ne samo sindikata i poslodavaca, nego i drugih zainteresiranih subjekata javnog i privatnog sektora, o horizontalnoj usklađenosti sa drugim propisima odnosno važećim pravnim sustavom, preuzetim obvezama iz prihvaćenih međunarodnih dokumenata, kao i obvezama koje proizilaze iz europskog zakonodavstva sa čijim sekundarnim izvorima već otpočinje usklađivanje domaćih propisa.

Imajući sve to u vidu, a temeljem ustavnih ovlasti, obrađivač zakona razmatra sve predložene inicijative i dostavljene prijedloge ali u konačnici on cijeni što je prihvatljivo i što će ugraditi u Nacrt zakona. Shodno navedenom, Federalno ministarstvo rada je u augustu 2012. pripremila tekst Nacrta zakona o radu i dostavilo ga socijalnim partnerima, ali je nakon toga, izvršilo određene izmjene tog teksta i u novembru uputilo Nacrt zakona o radu Vladi Federacije radi utvrđivanja Prijedloga zakona i upućivanja u parlamentarnu proceduru.

Nacrt zakona o radu iz novembra 2012 godine razlikuje se od teksta Nacrta iz augusta 2012. u 19 članova, a većina intervencija je bila pravno tehničke naravi i jasnije i preciznije formulacija pojedinih odredbi.

Zaključkom Vlade Federacije tekst zakona je prije upućivanja u parlamentarnu proceduru ponovo dostavljen Ekonomsko socijalnom vijeću koje je, na zahtjev sindikata i poslodavaca, naložilo da delegacije socijalnih partnera još jednom pokušaju usaglasiti sporna pitanja.

Sastanak je održan 06.12.2012. ali je zbog zahtjeva delegacije sindikata da se najprije riješi spor u svezi članka 182. kojim je regulisano usklađivanje kolektivnih ugovora sa Zakonom o radu i prestanak njihove primjene, odložen, uz prihvaćeni prijedlog koji je ponudio ministar Čamber da će pokušati riješiti ovaj spor sa premijerom Vlade Federacije BiH.

Za sporni član je pripremljen novi prijedlog o kojem, kao i ostalim pisanim prijedlozima sindikata i poslodavaca će se raspravljati na sastanku zakazanom za četvrtak 17. 01. 2013.

92-16. sjednica Ekonomsko-socijalnog vijeća za teritoriju Federacije Bosne i Hercegovine, održana dana 11.12.2012. godine.

Dnevni red:

1. Nacrt zakona o izmjenama i dopunama Zakona o stečajnom postupku;
2. Prijedlog zakona o izmjenama i dopunama Zakona o izvršnom postupku;
3. Prijedlog zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc;
4. Razno.

Zaključci:

Ad. 1

Ekonomsko-socijalno vijeće je zaključilo da podržava Nacrt zakona o izmjenama i dopunama Zakona o stečajnom postupku, te poziva socijalne partnere da se uključe u javnu raspravu i time doprinesu poboljšanju i modernizaciji zakona.

Ad. 2

ESV je zaključilo da socijalni partneri nemaju usaglašene stavove o predloženom amandmanu na Prijedlog zakona o izmjenama i dopunama Zakona o izvršnom postupku. Predstavnici Sindikata i Poslodavaca podržavaju Prijedlog zakona pod uslovom da se prihvati amandman po kojem bi se u budžetu Federacije BiH planirala sredstva za izvršenje sudskih rješenja, dok predstavnici Vlade smatraju da treba planirati prema mogućnostima i prioritetima, odnosno da treba prihvatiti postojeće rješenje u budžetu, jer u trenutnim okolnostima ovaj amandman nije prihvatljiv.

Ad. 3

Socijalni partneri podržavaju donošenje Zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc, uz preporuku da se i realizacija drugih značajnih projekata rješava na sličan način.

Evidencija o prisustvu sjednicama Ekonomsko-socijalnog vijeća Federacije BiH

2012. GODINA														
	Ime i prezime	Januar	Februar	Mart	April	Maj	Juni	Juli	Av gust	Septembar	Oktobar	Novembar	Decembar	
1	Edhem Biber	+	+	+	+	+	+			+		+	+	+
2	Nermin Nikšić	-	-	+	+	+	+			-		+	+	+
3	Jerko Ivanković-Lijanović	+	-	-	+	+	-			+		+	+	-
4	Vjekoslav Čamber	+	-	+	-	+	+			-		-	+	+
5	Ante Krajina	+	+	+	+	+	+			+		+	+	+
6	Erdal Trhulj	+	+	+	+	-	+			+		-	+	+
7	Enver Bijedić	+	+	+	-	+	-			-		+	+	+
8	Zukan Helez	+	-	-	+	-	-			-		+	-	+
9	Ismet Bajramović	+	+	+	+	+	+			+		+	+	+
10	Salih Kruščica	+	-	+	+	+	+			+		+	+	-
11	Rifat Mahmutović	+	+	+	+	+	+			-		+	+	+
12	Omer Sikira	-	+	+	+	+	+			+		+	+	+
13	Šaban Kadirić	+	-	+	+	+	+			+		+	+	+
14	Avad Bahto	-	+	+	+	+	-			+		+	-	+
15	Selvedin Šatorović	+	+	+	+	+	-			+		+	+	-
16	Nihad Imamović	+	+							+				

1 7	Safudin Čengić			+	+	+	+			+			+	+	+	+
1 8	Mladen Pandurević	+	+	+	+	+	+			+			+	+	+	+
1 9	Predrag Čović	+	+	+	+	+	+			+			-	+	-	+
2 0. 2 1	Eldin Brčaninović Seid Kapetanović	+	+													
				+	+	+	+			+			+	+	+	+
2 2	Edin Ibrahimpašić	+	+	+	+	+	+			+			+	+	+	+
2 3	Selim Babić	+	+	+	+	+	-			+			-	+	+	-
2 4	Tomislav Slišković	+	+	-	+	+	+			+			+	+	+	+